



PREZIDÊNCIA KONSELLU MINISTRUS

V GOVERNUN KONSTITUSIONÁL

DÍLI, LORON 22 FULAN NOVEMBRU TINAN 2013

KOMUNIKADU IMPRENSA

Sorumutu Konsellu Ministrus, Ioron 21 no 22 Novembru 2013

Governu hala'o sorumutu, iha Ioron 21 no 22 fulan Novembru 2013, iha sala sorumutu Konsellu Ministrus nian, iha Palásiu Governu, iha Dili, no aprova ona:

- 1. Proposta Rezolusaun ne'ebé mak aprova Akordu Kooperasaun iha área formasaun no treinu ba atividade sira kona-ba Asisténsia Umanitária no luta hasoru Dezastre Naturál sira entre Governu Repúblika Demokrática Timor-Leste ho Japaun nian**

Akordu ida ne'e mosu hafoin asina tiha, iha Setembru foin dadauk ne'e, Akordu Kooperasaun nian iha Área Formasaun no Treinu kona-ba Asisténsia Umanitária no Luta hasoru Dezastre Naturál sira, entre Governu rua Timor-Leste no Japaun, ne'ebé nia prosesu negosiasaun Prezidente Repúblika mak kondús. Akordu ida ne'e la'os de'it atu kontribui ba kapasitasaun Forsa Defeza no Seguransa nasional sira atubele atua iha situasaun sira kona-ba Asisténsia Umanitária, maibé akordu ida ne'e mós atu hametin liután relasaun kooperasaun nian sira ho Japaun.

- 2. Dekreto-Lei ne'ebé mak regula Rejime Jurídiku ba Parseria Públiku-Privadu nian sira**

Diploma ida ne'e atu regula Rejime Jurídiku ba Parseria Públiku-Privadu nian sira, ne'ebé aprova tiha ona husi Dekretu-Lei n.º 42/2012, Ioron 7 fulan Setembru, no atu aprova estrutura sira ne'ebé nesesáriu ba implementasaun parseria Públiku-Privadu nian sira, nune'e mós atu estabese baze legál ida ba aprovasaun prosedimentu aprovizionamentu nian tuir siklu projektu parseria Públiku-Privadu nian.

Nune'e, Dekreto-Lei ida ne'e atu prevee poder no funsaun hirak kona-ba Unidade Parseria Públiku-Privadu nian no atu identifika prosedimentu hirak ne'ebé iha relasaun ho siklu projektu nian sira, hahú hosi Faze inisial no Viabilidade, Faze Aprovizionamentu no Negosiasaun no Faze Implementasaun no Operasaun.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608

3. Dekretu-Lei ne'ebé mak aprova Estatutu kona-ba Militar sira F-FDTL nian

Diploma ida ne'e iha ninia objektivu atu dixiplina karreira militar, hahú tama iha nebá, to'o tempu ne'ebé, hanesan ema militar iha Kuadru Permanente sira, tama ba iha reforma.

Iha ne'e define postu sira, iha kategoria ida-idak nia laran ka klase no ezijsia sira atu evolusaun bele hetan prosesu. Hatama konseitu foun sira iha nebá, hanesan nesiedade atu ema militar sira bele hetan avalisaun fiziku, no dezenvolve figura kona-ba Reserva nian, ne'ebé prevee ona iha Lei Defeza Nasionál nian. Karreira sira hatur tuir estrutura sira, no espezialidade balun hetan definisaun.

Ba veteranu sira, ema sira hotu ne'ebé durante tinan 20 liu nia laran luta atuhodi hetan libertasaun ba Pátria no ba Povu, elementu FALINTIL sira ne'ebé nu'udar orijen F-FDTL nian, hetan direitu atu antesipa pasájen ba situasaun Reserva nian.

Harii tiha ona mós, norma tranzitória sira ne'ebé bele fó dalan ba mudansa no ezijsia foun sira atubele implementa ho forma ida di'ak liu.

4. Rezolusaun Governu nian ne'ebé aprova Komisaun Nasionál Kontra Traballu Infantil

Komisaun Nasionál kontra Traballu Infantil (KNTI) ne'ebé mak tripartida, konta ho representante sira husi Governu, Kámara Komérsiu no Konfederasaun Sindikatu sira. KNTI mak nu'udar responsável ba implementasaun no monitorizasaun ba aplikasaun Konvensaun n.º 182.º hosi Organizasaun Internasionál Traballu nian kona-ba Interdisaun ba Forma sira Aat liu kona-ba Traballu ba Labarik sira no ba Asaun Imediata Atubele Halakon tiha hahalok ne'e, ne'ebé Parlamentu Nasionál retifika tiha ona.

5. Proposta Rezolusaun ne'ebé aprova ratifikasaun ba Konvensaun sira hosi Organizasaun Internasionál Traballu nian n.º 100 no n.º 111

Konvensaun Organizasaun Internasionál Traballu nian (OIT) n.º 100 defende igualdade remunerasaun nian no Konvensaun n.º 111 defende atu labele halo deskriminasaun iha matéria kona-ba empregu no profisaun. Konvensaun rua ne'e haktuir loloos kedas ba buat ne'ebé mak hakerek iha lejislasaun Laborál Nasionál no loke dalan ba Estadu atu bele fó hakat ida ne'ebé signifikativu iha protesasaun ba direitu traballadór sira nian no iha igualdade entre mane ho fetu sira.

Konsellu Ministru mós analiza tan:

1. Projektu Investimentu Parke Industriál

Empreza Global Fidelity J (PVT) Lda. apresenta ba iha Governu projektu ida ba dezenvolvimentu parke industriál ida kona-ba área suku-tais no peska nian. Tuir empreza ne'e, investimentu inisiál mak hamutuk



osan dolar tokon lima ba área suku-tais nian, hodi bele sai boot liu iha durante tinan ruanulu nia laran, no besik osan dolar tokon tolu to'o tokon lima ba peska. Projektu ne'e apresenta possibilidade negósiu nian ida ba Timor-Leste, iha rejiaun, no ba empregu nian ba populusaun lokál.



Palácio do Governo,
Avenida Presidente Nicolau Lobato,
Dili, Timor-Leste

pcm.gov.tl@gmail.com
(+670) 33 310 608